



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. Quid & quotuplex sit votum?

[urn:nbn:de:hbz:466:1-73045](https://nbn-resolving.de/urn:nbn:de:hbz:466:1-73045)



QUÆSTIO XXXIV.

IN TIT. XXXIV. DE VOTO, ET VOTI REDEMPTIONE.

Postquam in præcedentibus actum est de Regularibus in communione; horum autem status in præsens importet, promissionem DEO factam, consequenter votum observandi consilia Evangelica, paupertatis, castitatis, & obedientiae; praesenti titulo agitur in genere, de votis, ac eorum relaxatione; quia vero de hac materia communiter agunt Morales Theologi in præceptis primæ tabulæ; contentferimus exponere, quæ per Canones in hoc Titulo continentur.

ARTICULUS I.

Quid & quotuplex sit votum?

2872 *Votum* 27. q. 1. c. de *Viduis* 42. describitur, quod sit alicuius boni cum deliberatione facta promissio, vel DEO facta pollicitatio; apud Theologos, Teste *S. Thom.* 2. 2. q. 8. dictum est à voluntate, tanquam à primo movente rationem ad vovendum, à *Sanchez lib. 4. Decal. cap. 1. n. 1.* sic definitur, est promissio DEO facta de meliori bono. Quare ad veram rationem voti eodem teste, quinque requiruntur. 1. Deliberatio, 2. propositum, 3. promissio, 4. ut ea promissio fiat DEO, 5. ut sit de meliori bono. Cùmenim votum sit actus religionis, debet esse de remagis grata DEO, quam opposita. Deliberatio esse debet plena, qualis sufficit ad peccandum mortaliter. Deliberatio autem differt à proposito, quod illa ad intellectum, hæc ad voluntatem spectet. Inter nudum propositum, & promissionem hæc differentia est, quod promissio oriatur ex deliberatione acceptandæ, sibique imponendæ obligationis: *propositum* autem ex deliberatione solius convenientiæ rei facienda; unde nullam obligationem etiam peccati venialis inducit.

2873 Multiplex est voti divisio; principalis

verò in *solemne*, & *simplex*. Solenne est, cui additur solennis aliqua juris formula, qualitas vel conditio, seu (ut exponit Lessius n. 31.) est quod susceptioni status immutabilis conjungitur: quale quod ex Ecclesiastico decreto annexum est susceptioni ordinis Sacri: item quod continetur in professione religionis approbatæ, c. *unico* de voto & voti redempt. in 6. & quidem solemnitas in voto castitatis reddit irritum matrimonium, si attentetur; in voto paupertatis assert incapacitatem dominii: Simplex dicitur, quod omni solenni juris formula & qualitate caret: estque omne non solemnne, etiam si emittatur in professione religionis non approbatæ, vid. *Sanchez. 7. matr. de 25. n. 13.* Dividitur præterea in *explicitum*, quo quis DEO expresse obligat; & *implicitum*, cùm aliquid aliud suscipitur quod votum exigit: ut quando suscipitur ab adulto Ordo ficer. Deinde in *conditionatum*, quod est certa conditione affectum, & datur teste *Sanchez l. 8. matr. D. 10. n. 4.* quando affectus voventis non fertur directè in rem promissam, sed in aliud, quod optat consequi, aut vitare, quod ponitur in conditione, ut si quis dicat: *Vovore religionem, si incolumis ab hoc periculo, vel morte evaero;* & *absolutum*, quod omni conditionis adhesione vacat; 3. dividitur conditionalis in *poenale*, & non *poenale*, seu *simpliciter conditionalis*.

Poenale est, cùm quis aliquid vovet²⁸⁷⁴ certâ statutâ sibi poenâ, si illud non servaverit; & quidem in poenam delicti, si in illud inciderit, ut timore oneris subveniendi sibi caveat: unde datur, teste *Sanchez* *tit.* quando affectus voventis non fertur directè in rem promissam, sed illam sibi poenam proponit, ut arceatur à criminis, quod vitare cupit: ut, si voveat, *non transurum sub pena ingressus in religionem.* Hoc autem (ut notat Lessius n. 30.) fieri potest dupli-

dupliciter. 1. si quis solum voeat pœnam delicti, non autem evitatem, ut si dicat: *Voveo ingressum religionis si lusero.* 2. si utrumque voeat, scilicet pœnam delicti & evitatem, ut si dicat: *voveo amplius non lusurum, alioquin dabo largam eleemosynam.* Hoc autem continet votum duplex, absolutum non ludendi, & conditionale, non pœnale, est, cui conditio adjicitur non in pœnam: v. g. *voveo religionem, si isto morbo curatus fuero.*

2875 Quartò votum absolutum aliud est *perpetuum*; aliud, *temporale*; perpetuum dicitur, quod est ad vitam promittens: ut si quis absolute voeat castitatem: vel si voeat recitaturum singulis diebus rosa-rium in omnibus vitam suam. Temporale est, quod concipitur ad præfixum, & determinatum tempus, ut si quis vovet, se daturum seme in die eleemosynam per integrum annum.

2876 Quintò dividitur in *reale*, *personale*, & *mixtum*. Reale dicitur, cum res DEO promittitur, & nihil quod ad personam spectet; ut, si quis voeat calicem aureum Ecclesiae daturum; Personale est, cum quis DEO opus aliquod seu ministerium propriæ personæ spondet, ut si voeat, se jejunaturum, vel Missam auditurum.

Mixtum est, quo quis, & rem, & personæ officium promittit, ut si voeat se peregrinaturum: nam in peregrinatione, & labor personalis, & rerum expensa interveniunt. Ultimò votum aliud est rei certæ facienda, aliud rei certæ non facienda: nam potest quis vovere castitatem servaturum, aut matrimonium non contracturum, quæ duo differunt. Quid & quotuplex sit voti irritatio, vide Castro-palatum *tr. 16. D. 2. p. 1.*

2877 Quod supra n. 2873. diximus ex Lef-sio, votum dici *solemne* ex adjuncta quadam juris qualitate, qua susceptioni status immutabilis conjungitur, multis vide-tur vel non complecti universaliter votum solenne; vel complecti, quod non est solenne, ut patet in votis simplicibus, quæ in Soc. IESU emittuntur privatim post emis-sam publice, 4. votorum solemnium profes-sionem. P. Suarez *tom. 3. de Relig. l. 2. c. 10. n. 3.* voti solennitatem, ait, consi-stere in vi, inducendi quosdam peculiares effectus morales ex Ecclesia institutione

Tom. III.

adjunctos ipsis votis; hanc tamen expli-cationem negat Sanchez *l. 5. moral. c. 1. n. 6.* qui n. 1. vult eum consistere in certo quadam genere perpetuitatis se tenentis tam ex parte voventis, quam Religionis, sed hanc habent etiam quædam vota sim-plicitia in quibusdam religionibus, quin sint solemnia. Alii dicunt consistere in qua-dam benedictione, aut actuali traditione dominii sui ipsius in manus DEI, aut Prælatorum vices DEI gerentium, ipsius-que nomine acceptantium. Sed hos rejicit Suarez cit. c. 6. & 7. Pellizarius demum in Manuali *tom. 1. tr. 4. c. 1. f. 1. n. 11.* docet illam solemnitatem in eo consistere, quod votum fiat in religione approbata, & quidem conjunctum, seu eodem con-textu cum professione religiosa; hæc ex aliorum mente, V. dicenda, in seqq.

ARTICULUS II.

Quem effectum pariat votum?

Primus, & principalis effectus voti, le- 2878 gitimè præstiri, est obligatio præstan-di, quod promisum est; hæc necessitas non est antecedens, sed consequens; nam esto cuique liberum sit in principio, voeve-re, vel non vovere; ex suppositione ta-men voti, liberè facti, consequitur ne-cessitas illud adimplendi per c. *Licet. 6. h. t.* ubi Ecclesia compellit heredem Laicum per excommunicationem, & bonorum subtractionem, ad executionem voti ul-tramatini, ad quod se obligavit pro de-functo, redditâ ibidem causâ, & ratio-ne; quia licet universis liberum sit arbitri-um in votando; usque adeo tamen solutio-necessaria est post votum, ut sine proprio fa-lutis dispendio alicui non liceat resilire, qui-bus positis:

Dubium 1. est, an votum ritè, ac le- 2879 gitimè factum, statim obliget? 2. an ejus execu-tio differri possit ex causa? 3. quæ causa censeatur sufficiens? 4. an, si suc-cessu temporis redatur obseruatu diffi-cile? 5. an haeres teneatur ad adimplenda vota testatoris, ab hoc ante mortem non impleta? 6. quem effectum pariat votum continentia in ordine ad matrimonium? 7. quem, votum Religionis ingrediendæ? 8. an obliget votum metu extortum. 9. quæ vota sint reservata? 10. an omne vo-tum circa materiam reservatam sit reser-vata?

Ooooo 2 tum?